

Saksprotokoll i fylkestinget - 03. og 04.10.2017

SAKSBEHANDLING

Sakene vart behandla i slik rekkjefølgje:

- 3. oktober: PS 75, 77-83, 86-88, 92/17
- 4. oktober: PS 73-74, 76, 84-85, 89, 90-91, 93-98/17

OPNING AV FYLKESTINGET – 03.10.2017

Til å skrive under møteboka saman med fylkesordføraren vart Silja Ekeland Bjørkly og Astrid Aarhus Byrknes valde.

Fylkesordføraren gjorde framlegg om at møteboka vert godkjend av fylkesordføraren og dei som vart oppnemnde til å skrive under møteboka. Fylkestinget slutta seg til dette.

Teatersjef Hooman Sharifi introduserte dansekompaniet Carte Blanche, som viste utdrag av produksjonen While they are floating.

Fylkesordføraren heldt opningstalen sin til fylkestinget.
Fylkesrådmannen heldt sin tale.

ORDSKIFTET ETTER TALANE

Etter talane var det ordskifte. 12 representantar hadde ordet.

I samband med ordskiftet sette **Tom Sverre Tomren (MDG)** på vegner av MDG og V fram slikt forslag til uttale:

«Ratifiering av avtale som forbyr atomvåpen

Den nye avtalen som forbyr atomvåpen (TPNW) blei vedtatt av 122 statar 7. juli 2017. Dette er ein klar beskjed frå majoriteten av verdens statar om at atomvåpen er inhumane og uakseptable våpen som må avskaffast.

Avtalen vart opna for signering 20. september. Allereie har 53 statar signert, og tre statar ratifisert den, men Noreg er ikkje blant desse. Når 50 statar har ratifisert avtalane, vil den etter 90 dagar tre i kraft og bli ein del av folkeretten. Hordaland fylkesting vil difor oppmoda regjeringa om å signera og ratifisera avtala.»

Det var 52 representantar til stades.

Fylkestinget tok stilling til om forslaget skulle realitetsbehandlast på slutten av tingsetet. Fylkestinget vedtok mot 11 røyster (H) å realitetsbehandle forslaget.

Røysting

Tomren sitt forslag fekk 35 røyster (A, KrF, Sp, SV, V, MDG, R) og vart vedteke.

Vedtak

Uttale:

Ratifiering av avtale som forbyr atomvåpen

Den nye avtalen som forbyr atomvåpen (TPNW) blei vedtatt av 122 statar 7. juli 2017. Dette er ein klar beskjed frå majoriteten av verdens statar om at atomvåpen er inhumane og uakseptable våpen som må avskaffast.

Avtalen vart opna for signering 20. september. Allereie har 53 statar signert, og tre statar ratifisert den, men Noreg er ikkje blant desse. Når 50 statar har ratifisert avtalane, vil den etter 90 dagar tre i kraft og bli ein del av folkeretten. Hordaland fylkesting vil difor oppmoda regjeringa om å signera og ratifisera avtala.

I samband med ordsiftet sette **Marthe Hammer (SV)** på vegner av SV og H fram slikt forslag til uttale:

«Endring i lova/retningsliner slik at fylkeskommunen kan setja miljøkrav på kommersielle

Det er som følgje av ei avklaring frå Samferdselsdepartementet ikkje heimel for å setje miljøkrav til kommersielle ruteløyve. Dette er svært uheldig for å få ned klimautsleppa og for å nå måla i klimaplanen. Det er snakk om heilt overkommelege krav til best mogleg teknologi.

Det er og uheldig i høve til at det er lov i ordinære fylkeskommunale anbod, men ikkje i kommersielle.

Hordaland fylkeskommune ber dei ansvarleg myndigheiter gripe fatt i dette og leggje frem ein sak for Stortinget om å endre yrkestransportlova slik at det vert mogleg å stille miljøkrav til kommersielle ruteløyve.»

Det var 52 representantar til stades.

Fylkestinget tok stilling til om forslaget skulle realitetsbehandlast på slutten av tingsetet. Fylkestinget vedtok samrøystes å realitetsbehandle forslaget.

Røysting

Hammer sitt forslag fekk 46 røyster (A, KrF, Sp, SV, V, MDG, R, H) og vart vedteke.

Vedtak

Uttale:

Endring i lova/retningsliner slik at fylkeskommunen kan setja miljøkrav på kommersielle ruteløyve

Det er som følgje av ei avklaring frå Samferdselsdepartementet ikkje heimel for å setje miljøkrav til kommersielle ruteløyve. Dette er svært uheldig for å få ned klimautsleppa og for å nå måla i klimaplanen. Det er snakk om heilt overkommelege krav til best mogleg teknologi.

Det er og uheldig i høve til at det er lov i ordinære fylkeskommunale anbod, men ikkje i kommersielle.

Hordaland fylkeskommune ber dei ansvarleg myndigheiter gripe fatt i dette og leggje frem ein sak for Stortinget om å endre yrkestransportlova slik at det vert mogleg å stille miljøkrav til kommersielle ruteløyve.

I samband med ordsiftet sette **Daniel Charles Hextall (SV)** fram slikt forslag til uttale:

«Støtteuttale til dei streikande i Norse Production

Hordaland fylkesting vil uttrykkja si støtte til arbeidarane i Norse Production Sekkingstad sitt krav om tariffavtale.

Hordaland fylkesting meiner at retten til å vera organisert og retten til ein tariffavtale er ein av dei viktigaste grunnpilarane i norsk arbeidsliv og er viktig for både arbeidstakar og arbeidsgjevar.

Utanlandske arbeidstakarar skal vera omfatta av norske løn og arbeidsvilkår, dette er slått fast gjennom «Lov om allmenngjøring av tariffavtaler m.v. (allmenngjøringsloven)». Dersom verksemder prøver å omgå norsk lovverk gjennom ulike tilpassingar i organisering og eigarskap så er dette sterkt kritikkverdig.

Norsk arbeidsliv har lange tradisjonar for ei gjensidig forplikting om ordna lønns- og arbeidsvilkår gjennom tariffavtalar og er ein av grunnpillarane i den norske velferdsstaten.»

Det var 52 representantar til stades.

Fylkestinget tok stilling til om forslaget skulle realitetsbehandlast på slutten av tingsetet. Fylkestinget vedtok mot 11 røyster (H) å realitetsbehandle forslaget.

Røysting

Hextall sitt forslag vart vedteke mot 20 røyster (H, Frp, V).

Vedtak

Støtteuttale til dei streikande i Norse Production

Hordaland fylkesting vil uttrykkja si støtte til arbeidarane i Norse Production Sekkingstad sitt krav om tariffavtale.

Hordaland fylkesting meiner at retten til å vera organisert og retten til ein tariffavtale er ein av dei viktigaste grunnpillarane i norsk arbeidsliv og er viktig for både arbeidstakar og arbeidsgjevar.

Utanlandske arbeidstakarar skal vera omfatta av norske løn og arbeidsvilkår, dette er slått fast gjennom «Lov om allmenngjøring av tariffavtaler m.v. (allmenngjøringsloven)». Dersom verksemdar prøver å omgå norsk lovverk gjennom ulike tilpassingar i organisering og eigarskap så er dette sterkt kritikkverdig.

Norsk arbeidsliv har lange tradisjonar for ei gjensidig forplikting om ordna lønns- og arbeidsvilkår gjennom tariffavtalar og er ein av grunnpillarane i den norske velferdsstaten.

YMSE – 03.-04.10.2017

PRESENTASJONAR

Riksantikvar Jørn Holme presenterte fagområde som kan overførast frå Riksantikvaren til ein ny, samanslått fylkeskommune.

Ingri Deisz Horne presenterte TV-aksjonen 2017.

Leiar Håkon Kongsvik og nestleiar Martin V. Jonsterhaug frå Ungommens fylkesutval orienterte om arbeidet i utvalet og inviterte medlemmene i fylkestinget til å ta kontakt.

Advokat Birthe Eriksen gjorde greie for varsling i skjeringspunktet mellom juss og politikk.